

22148

紗十四鎊。每鎊二錢六分七釐。計三兩七錢四分。工繳四錢。現恆豐廠喂馬牌十四鎊布價四兩五錢五分四釐。淨贏四錢一分四釐。計每日贏八百二十八兩。每年三百日計。贏二十四萬八千四百兩。

軋花廠每部車出花二十擔。每日出四百擔。每擔贏利三錢。每日得百二十兩。每年三萬六千兩。

廢花紡軋。利益甚厚。茲姑不計。而總算上列三項。已得贏餘六十九萬二千七百七十五兩。除官利外。每股尚有餘利二十六兩六錢有餘。查日本鐘淵紗廠。贏利有時多至四五分。據此以推。非甚難事也。頃見三井洋行刊布上海紗廠帳略。計上海三泰兩廠。資本共一百萬兩。本年贏利三十九萬兩。機會如此。利益如此。而外人之競進如彼。是在愛國憂時之實業家。鼓吹而倡導之矣。

美國大教育家伊略脫演說萬國和平及其適用

方法在上海尚賢堂演說

在座諸位。余今雖旅行全球。僅有一部分足供余研究萬國和平之事之資料。此一部分者。即處居熱帶上各國之情形也。當在錫蘭島時。祇擬勾留數星期。不料因初至東方。須與熱帶人民相處稍久。方能熟知其歷史宗教等關係。然後能研究其一切事實。遂滯留三月之久。在此全球最稱良美之島。與其人民相接處者。皆南印度土人及星加坡土人兩種族也。而此三閱月間之周旋晉

接者。皆受治於歐西人種之人也。但今日足履之地。乃一最古而歷史最長之中國。中國人民。欲為天地間一自由之邦。遂猝然推翻其舊制。而自變為一共和國制。實為世界歷史中所罕見。亦為中國歷史中所創見。吾覺中國最有興味之時代。未有如今日者。幸逢此會。得目觀其人民驚世之舉動。欲以一歷史最古人口最繁之國。一旦而變為與其歷史制度全不相似之國。實非夢想所及。此行雖祇數星期。然亦足以慰吾生平之眼福矣。余因卡耐其君捐助萬國和平基本金事。受董事會之託。周行全球。提倡萬國和平主義。忝為董事會之一。故不得不旅行天下。調查事實。約言之。即董事會之代表也。卡耐其君係美國人。考其原籍。實蘇格蘭人。今仍與其家屬居於蘇格蘭。平時與彼有關係者。皆各國政府各種專門學問之士夫。交識之王侯卿相。幾遍全球。因其有天下一家之交誼。故凡遇各種和平事業。無不竭誠提倡。然卡耐其不特僅熱心於和平事業也。此次出資籌辦和平事業。實其第五次之大舉矣。今先舉其初四次之捐資。為諸位道之。其第一次之捐資。在數年前獨建一工業專科大學。此校名為卡耐其工業專科大學。在美國辟次盤格。因其出資獨建。故以其名名之。辟次盤格。亦即卡君最大工業所在之地。卡耐其之第二次捐資。即獨建坐落華盛頓之卡耐其科學社。此社專事研究全球各種科學之問題。及推求進行發明諸事。其第三次捐資。係即頒賞地球各國之有豐功烈業者。無論男婦兒童若成偉大事業。即得此項頒賞。即卡耐其君亦自稱為英雄事業

者也。其第四次之捐資。即鼓勵美國教習事業。

凡在大學校分科大學高等工商諸學校中研究教授事業者。皆得預分此項金額。并定有公布之專章。合格之人。皆可得其養老費。鄙意即此一項。亦足以表示卡耐其之善於利用其捐項者矣。凡高等學問教習。至應行退養之年。得有此項津貼。即可無須勞働過度。且可發生一新陳代謝之利益。凡美國之身為教員者。莫不感受其賜也。

其第五次之捐資。即此提倡萬國和平之偉大事業。卡耐其君交游既遍天下。宜乎其於萬國和平事。非常注意。在座諸位。當能記憶。荷蘭國海牙萬國和平會所。係彼獨捐巨資所建設者。西印度之和平會所。亦係卡君所建。後經地震。全屋傾成瓦礫。卡君復立出巨資重建之。現在捐為籌辦萬國和平之基本金。每年有五十萬金圓。合金磅十萬。所舉任之董事。一年之前。曾集議一次。現在竭力籌措一最完美而最有效果之辦法。以消費此資。無論何處何事。但期與萬國和平事有所裨益。余因此事。故有此行。前此已經董事會議定辦法三部。一國際公法部。此部實為研究和平最佳之效果。亦即最速之效力也。

二十年間。國際公法之進步。非常神速。董事會亦望其此後有同等之速率。董事等於上年邀集國際公法學之翹楚。會於瑞士國之盤恆。其結果尚未發表。其集會之手續。當選定八國之著名公法家。及曾究心於國與國及國與人之種種關係者。所邀之人。莫不惠然而來。到會各代表之旅行費。均由會中擔任。凡

一代表著一報告書。並議定報酬一千金圓。下次集議。當注意於其第二部分之手續。第二部即經濟學之研究。董事會擬以世界戰時及預備戰事之經濟為問題。凡戰爭之事。與國家、商業、財政、教育、農事、實業等。有何種關係。各國預備戰爭費之浩大。與其國之經濟。當有何種影響。歐洲各小國。養兵少者。較各大國之養兵多者。其經濟狀況。有何種區別。戰時經濟有何種關係。平時經濟當何等發達。凡此問題。皆當討論。已於今年集會議定辦法。仍由董事選擇世界各國經濟學家。除英國之馬歇爾因病不能到會外。所請之人。均來會議。其第三部分之動作。亦經董事議定。准以教育及萬國交際為前提。務使國與國互相習知其商業實業進步欲望等事。務使各國以極良美之意義。互相交接互相和好。鄙人此行。即負此第三部分之委任。董事會實不敢望交戰之能即日消滅。亦不敢望兵備之能即日消弭也。並不敢希望弭兵之計。能即日大見功效。但知各國政府之鞏固。必以人力物力為基礎。有堅強之保護力。方能鎮守國內之秩序。及防禦國外之侵侮也。今日中國之實情。即當注意於此。無他。一國之政府。必具堅定之能力。政府之堅定。尤恃其堅強之保護力。保護力者。足以保護其國內實業之進行。保存其國權永永不替。國勢永永不衰者也。董事會當度量世界程度。欲倡言減少兵備。尚非其時。而研究今日當為之事業。決定從教育入手。故對於此絕大之萬國教育問題。盡力提倡之。務求世界各國之教育。日見發達。而於專制諸邦。注意尤切。

22150

且擬適用周緩之法。使之日進月盛。成爲公共之幸福。公共幸福。卽世界和平。世界和平。則各國無紛擾之憂。萬國有安寧之樂矣。何謂周緩之法。惜以今日時間太促。不暇備述。但舉其第一種而言。則教育普及於各國是也。董事會之意。不以各國現行之制爲限。且擬更加擴充之。今之談教育者。但知教育爲童年之人而設。惟卡耐其之董事會。欲使教育爲人生終身應有之事。此項終身繼續教育之制可爲取法者。則惟有德國。美於此道。亦已發端進行矣。近世之爲教育普及者。常注意於初等教育。但董事等更有求於別二種之教育。現所奉爲標據者。卽美國南部數州所施行之法也。此法由聯邦政府之農部及路臘弗祿君（卽俗稱爲煤油大王者）所創。路臘弗祿君曾出資建設通常教育社。農部及教育社之宗旨。以教育成年之勞動家爲主。今成效已卓著矣。此兩團體在南部諸州。均遣任其所謂旅行教育團。隨帶各種應用圖器。往各區域隨地開幕。召集農業人民。因其所產所業而教以最良美之耕植輸出等法。此項教育。於最卑下之農家。最苦之白人或黑人農家。均一律施教。收效之宏。莫可言喻。其教授材料。因地制宜。何者爲最佳之棉種。何者爲節省之農法。何者爲適用之農器。何種肥料。最有效力。如何改良畜牧。此外則教以收穫之法。其舊法每年一熟。今改爲兩熟矣。指導農家自種日常食品。其於家政一道。指授尤爲周致。故此項教育。於南部各州。實有驚人之大效果。其中最要之一手續。是在每一中心地點。教令二三年人。舉地數畝。

依所教之法試種食料。以表示其成績。承辦者卽謂之爲模範農場。南部各州。均已通行。以此模範農場爲法者。不過數月之間。卽能引導全區域人民。行用所教之各種新法。其利誠至大也。

通常教育。應於童年之後。仍繼續授受。凡成年人民之爲商爲工無論爲何種營業。皆應受通常營業之教育。尤貴乎全國普及。最後尤宜標示人民。凡業於歐西歸納法之科學者。卽應標示其各種歸納之方法也。此爲卡耐其捐助之基本金。董事會所擬實施萬國和平辦法中之一種。其次之動作。卽擬提倡世界各國之和好交際。而以商業之交通。美術科學之發達。尤三致意焉。商業之交通。人人皆認爲應有之事。世界各國賴有互市交接。方能略有所知。卡耐其捐資之董事會。欲竭力增進此萬國之和好交通。并深信國際交通。適與個人交通無異。若彼此成爲至交。實能發生無窮之睦誼。於國際交涉。亦能趨向於和平。使萬國人民。以進步互相希望。以秩序互相保守。然後普天之下。得共享真切之和平幸福矣。

萬國和平基本金董事會。目觀世界獨立諸國。近日發生一種現象。能令其國內個人竭力達到自立之目的。不全依賴於政府之動作。並教養多數人民各種公共行政關係。及其發達精神。英國人所謂公德心是也。此項設施之影響。卽能啓發人民移私產爲公用之道德。此亦爲久屬於自由國人民之大道德也。此項道德。於專制之國固不易啓發之。卽在俗謂親權政體之下。亦不

易爲力。若萬國推崇之德國政府。足以贊美之處固多。如教育之發達。如地方自治之完備。如爲工業人民籌備之保險法。種種福利安寧之計。可謂至矣。第於此種特別公德心。不幸全世界上尙未有一國培植啓發之也。前次德皇下諭。欲在德國倡設一科學研究社。專事調查發明科學等事。德皇自任其社長。入社者必於專攻之科能有所發明著述。其中費用。非常之昂。曾記得僅僅入社費一項。即須二千五百馬克。此社惟富而好學之士。方能組織之。此中重要目的。諸位當能想見。至於啓發公德心之法。則以有限責任之自由結社及聯合結社法。用以提倡教育社會商務實業等事。諸位當習知之。現今實業界有會社公同聯合等事矣。無數人民且藉權壟斷。專圖私利者矣。但此項結社。既係有限責任。其誤用結社聯合自由之處。自可不多。但世界各國立法之進行。即欲訓練社會商業教育宗教各種行政執事之能員者也。此項最新之立法。在英美亦不過行之六年耳。董事會今擬於未行此法未知此法之國。盡力而鼓舞之。尙有一種動作。董事會希望舉辦者。即擬在進化較緩諸邦。建設法庭。控制其國內公共信用。約言之。即一司法機關。并以英美兩國之律師公會附入其內。司各脫君在埃及。爲埃及政府司法部次長時。(其總長爲埃及人)凡支配埃及全國法庭及律師公會等事。當司各脫任職期內。曾能造成一完全良美結果。埃及法庭之成全。實司各脫君之功。此即埃及訴訟案之增加。亦一完全之證據。實爲最古之埃及自有歷史以來。初次設有法庭。赴庭控訴。遂獲公允之判決。因此埃及人民。方見有得曲直是非之天日也。

今以時間過促。不得盡述其達到國治家齊天下平之種種間接方法。俾地球各國國內國外同享治安也。尙有多種物力人力。董事會欲於世界各國提倡鼓舞之事。目前中國即一莫大之機會。試行我西方首創憲政之祖國各種大勢力。實千載一時也。余來中國之地。雖祇數日。但已得與其新政府諸公及名望諸公晤譚多次。討論各種情形。及此次之驚駭革命。及其前途之希望。均極誠款懇直。凡與譚者咸認目前重大之關係。且直謂其此次革命。實係久居歐美之人感受西方觀念西方法則而生。凡此特異之感觸。既來自泰西。則政府之支配。科學之發達。社會實業之安寧。均可以歐西種種經驗之事實。參酌效之。於今演說籌辦萬國和平事既終。如中國學子官吏商人。若有補助於卡耐其之舉動而見效之。則董事等之深幸也。敬謝來臨諸位之盛意。並謝李佳白先生之厚賜。得於諸位賢智代表之前。聊陳卡耐其之萬國和平基本金辦法之梗概。

中國產煤區域略

中華產煤區域。幾遍全國。美國素以煤炭豐富。見稱世界。而中華所產。似較美利堅猶豐。日本南滿鐵路公司加藤技師。研究結果。言中華所產煤炭。在前年爲一萬萬噸。亘乎南北各省。幾無地無之。精細調查。厥如下表。

(一)滿洲所產煤炭噸數

撫順

八十四萬噸

木溪湖

十萬噸

煙臺

七萬五千噸